

فلسفه و اجتماعيات

مجموعه سى

مؤسس

آلام سرى

آيده بر نشر اولونور

مدبرى

محمد نورت

استقلال و قباطاش ليسه سى فلسفه و اجتماعيات
و تيجارت مکتبی اقتصاد معلیاستقلال ليسه سى مدبرى و استانبول اوکک
و استقلال ليسه لری ادبیات معلی

بر صابره

- تربى قسم : سوفراط اورخانه سهرالدیه
تورك تاريخنه باشلانغیچ محى الدين
دنى اجتماعيات علمى ضيا
قانونلر تحاول ايدیه بيليرى ؟ (بووانقاره دن) م. السهامى
ديوان ادبياتى : تصنع آلام سرى
خارجى ادراك هانمى منج
اجتماعى سناتيك (« لسته روارد دن ») زهت نورت
اسكى يونانستانده اجتماعى فكرلر اسماعيل ضرر
نطيقى قسم : تحرير نفوس و اجتماعيات قامليل زاقار
بژده فكر جريانلرى علمى ضيا
تحليل و تنقيد قسمى : ضيات ترجمه سى : شاذيه برين در. ا. س.
دو قارت ترجمه سى : ابراهيم ادهم بن مسعود صه. ف

اداره خانه : استانبول - سهرزاده باشى - استقلال ليسه سى داخنده دائره مخصوصه
استانبول - مطبعة ابوالضيا

اجتماعی ستاتیک [۱]

اجتماعی میخانیک ایله مشغول اولان حقیقی بر علم واردر ؛ حالبوکه اجتماعی نه نه رژی ساده جه کلی « قدرت - energie » ك خصوصی بر تظاهر نوعی اولدیغنه نظر آ اجتماعی میخانیک ده « قدرت » ك یالکز بو نوعی تدقیق ایدن خصوصی بر میخانیک نوعیدر. میخانیک، معلوم اولدیغی وجهله اساس اعتباریله ستاتیک و دینامیک اولق اوزره ایکی آریلیر ؛ hydrostatique و hydrodynamique کبی عین صورته اجتماعی ستاتیک و اجتماعی دینامیک دخی میخانیک قانونلرینه تابع بولونان شعبه لری تشکیل ایدر .

اجتماعی قدرت ، جمعیت ایچنده هر استقامتده کندیسنی کوستیر و بر فیرطنه ویا طوفان قادار بی آماندر . انسانلرک جلی منفعتلری بر برینه معکوس استقامتلردن و چوق دفعه هیچ بر هدی اولقسزین تأثیرلری اجرا ایدرلر . بونلر بر برلریله مجادله ایدرلر ، چارپیشیرلر و بربری اوزرینه آتیلیرلر ؛ فقط بویله تشکیلاتسز ، تصادفه باغلی فوضائی بر طرز ، هر هانکی بر موازنت حصوله کتیره مز ؛ بالعکس قارغشله لی موجب اولور .

اگر بواجتماعی قدرتی ضبط وربط آلتنه آلمق امکائی اولماسهیدی ، هر هانکی بر مؤسسه نك وجود بولسی شوپله دورسون ، بالعکس عمومی بر محوه دوغرو سوروکلنمک ایجاب ایدردی .

طبیعتك هر ساحه سنده و تکاملک هر قدمه سننده فعلی اولان ، محافظه کار ، یاراتجی و تشکیل ایدیجی بر کلی پرهنسیپ موجود اولدیغی اوزون زماندنبری بیلوردم ؛ فقط بونك حقیقی ماهیتنی کشف ایدم بیلمک ایچین اوزون دوشونجه لره وواسع مشاهده لره احتیاج حاصل اولدی .

[۱] — « لهسته روارد » آمریکا اجتماعیاتچیلر ننددر . ۱۸۴۱ ده دوغمش و ترجمه ایتدی کمز بوفصلی احتوا ایدن « pure sociologie » اثرینی ۱۹۰۳ ده نیویورقده نشر ایتشدرد . اثر ۱۹۰۷ تاریخنده Y.V. Unger طرفندن « reine Sociologie » نامیله آلمانجه یه ترجمه ایدیلشدر . (Innsbruck, Verlag Wager) .
مترجم

بن مسئله یی ایجه قاورادقدن صوکرا ، اونى الكبسیط شكلنه ارجاع ایده بيلمك خصوصنده مشكلاته معروض قالدیم . نهایت الك موافق اولمق اوزره ، «سینه رژی synergie» تعیرینی قبوله قرار واردیم؛ چونکه بوتعیر، بحث ایتدیكم پرنسپیده موجود اولان هم قدرتی ، همده قدرتك مقابلی کبی ایکی وضعی بردن احتوا ایدیور .

سینه رژی اویله بر پرنسپ درکه بوتون تشککلی ایضاح ایتدیکی کبی بوتون بنیه لری structure ده اویاراتیر. کونی cosmique سینه رژینک بوتون بو اثرلینه تظاهر ساحه لرینک هپسنده تصادف اولونور . سهاوی بنیه لر ؛ طالمر وعالم سیسته ملریدر . کیمیوی بنیه لر ؛ آتوملر ، موله کوللر وجوه لرلدر ؛ حیاتی biotisch بنیه لر ایسه ، پروتوپلازمالر ، حجیره لر ، نسجلر ، عضولر وتعضولدر . کذلک روحی بنیه لرده واردر : حسلر ، تأثری حاللر ، احتراصلر ، اراده حرکتری ، ادراکلر ، بیلکیلر ، حافظه ، مخیله قوتی ، ذکا ، دوشونجه وبوکا مماثل مختلف شعور حرکتری کبی ؛ عینی صورتله اجتماعی بنیه لرده واردر ؛ اجتماعی بنیه لر ، اجتماعی سینه رژی پرنسپیی داخلنده اولان اجتماعی قوتلرک محصوللریدر .

فونکسیونلرک تدقیق ، الك ایی بر صورتده عضوی عالمده یاپیله بیلیر . بنیه لر ، صرف واسطه لردر ؛ فونکسیون ، هدف در . بنیه لرک تدقیق ، تشریحی وجوده کتیردیکی کبی فونکسیونلرک تدقیق ده فیزیولوژی یی میدان کتیریر . مع مافیله بونلرک هرایکسی بر برینه صیق بر صورتده مربوطدرو آنجق فکر آبر بردن آریلابیلرلر . اجتماعیات علمنی حیاتیات اساسلری اوزرینه قوران بر چوق اجتماعیاتحیر ، حیرتبخش بر قناعته واصل اولملردر : بوقناعته نظراً تشریح ستاتیک ، فیزیولوژی دینامیک بر علمدر . [۱] فکرلرده کی بوضالات ، قسماً بنیه ایله فونکسیونه عائد تظاهرلری تحلیل ایتک خصوصنده کی اقتدار سزلفه حمل ایدمک لازمدر ؛ فقط بونک ده ا اساسلی سببنی ، مشخص علملرده کی ستاتیک و دینامیک تلقیسنه عائد اولمق اوزره اجتماعیاتحیر آراسنده حکم سورن مطلق مهیمتده آرامق ایجاب ایدر .

تغدی ، تنبت ودیکر بوتون نباتی عدایدیلن فونکسیونلر ، یالکدر فردک ونوعک حیاتی محافظه ایتمکدن عبارت قالمالری اعتباریله دکل ، بلکه تولید ایتدیکی فونکسیونلر

[۱] بو نقطه نظری تعقیب ایدن سوسیولوجلری « اجتماعی میخانیک » آدلی تدقیقده ذکر ایتدم . بو تدقیق بارسده (۱۹۰۰) سنه سی بین الملل اجتماعیات الاستیتوسی قونفره سنده اوقومشدی . (annales de l'institut) یه مراجعت . جلد ۶ ، ص ۱۸۲۰

نتيجه سنده تبدل ايتمه ين عيني بنيه تيپلرينك تماس و تكثرى سايه سنده حيات يکونى تزويد ايتدکلى زمان دخی ستاتيکدرلر .

بز حقی ده ایلری کیده رک ، بالذات بنیه نك طبيعتنده اك اوافق بر تبدلی محتوی اولمادینى مدتجه بو بنیه نك بسیط تکملنك دخی ستاتيک اولدیغنى ادعا ایدیهیلیرز . بوراده آراده کی فرق چوق نازکله شیر فقط بوکا رغماً بنیه نك انکشافنده تابع اولدیغى پره نسپیک ده کیشدیکنی و یاده کیشمه دیکنى ، هر هانکی بر معطی حال داخلنده ، تحری ایتک صورتيله بوفرقي موفقیته محافظه ایدیهیلیرز . مثال اولارق صنعی بنیه لری و مقانیزمالری آلام . مثلاً : اختراع . فرض ایدم که بر آدام بر ماکنه ایجاد ایدیور . ماکنه نك قوللانیلا بیلیمک ایچین هنوز ناتمام اولان برموده لنى یاپیور و اختراع براتی آلیور . اگر دیکر بر آدام کلوب عینی ماکنه نك حقی ، استعمال ایديله بيله چك قادار مکمل چالیشیلش برموده لنى ویرسه صرف بوموده لنىك ده اى اعمال ایدلش اولماسنه استناداً نمونه ده بر تکمل ادعاسنى طاشیان بر برات آلاماز . بو آدامک ماکنه ده بر تکمل ایچین برات آلا بیلیمک صلاحیتنى حائز اولابیلیمسى ، پرنسپیده هیچ اولمازسه اوافق بر تبدله تشبث ایتمه سنه منوطدر . عینی صورتله ایشته بوفرقدركه ، کرک طبیعی و کرک صنعی بنیه لرده اولسون ، دینامیک پره نسپيله ستاتيک پره نسپى بر برندن تفريق ایدر .

ستاتيک شرائطک بنیه لرشکلنده تظاهر ایتدیکی طبیعتک هر ساحه سنده دینامیک شرائط ، بونوع بنیه لرک تپنده واقع اولاجق هر هانکی بر تبدلن عبارت اولور . اجتماعى بنیه لر ، اجتماعى سینره رزینک ، یعنی مختلف اجتماعى قوتلرک متقابل تأثیرینک محصولیدر؛ بوقوتلر، بذاته مخرب اولدقلری حالده اولنلرک امتزاج ایده چك تأثیری ، بربرینه مانع اولارق ، بربرینی طونارق و موازنت حالنه صوقارق بنیه لری وجوده کتیریرلر . هیئت عمومیه نك میلنده کی استقامت ، اقتصاد و محافظه نفسه واسرافک منعه متوجهدر . بوکا رغماً اجتماعى ستاتيکک ، سکون حالنده جمعیتلردن بحث ایتدیکی قبول ایديله مز . ستاتيک حاله سکونی بر حالک قطعياً بر برندن تفريق ایدلمسى لازمدر . بفرقک شیمدی یه قادار وجوده کتیرلمه مش اولماسنى ، سکونچیلرک وهمی (illusion des Stationären) تسمیه ایتدیکم شیئه حمل ایتک ایجاب ایدر . اجتماعى بنیه لر ، رطاقم نتیجه لر تولیدینه معطوف بولونان ژهنه تیک مقانیزمه لردر . نیجه لر ، ایش قوتلرینک محفظه لری اولان بومقانیزما اولقسزین الده ایديله مز .

بر دینامو کندیسی محاط اولان الکتریک عنصر لرندن الکتریک استحصال ایدر. بو عنصر لر دینامو انشا ایدله دن اول دخی موجوددر. فقط دینامونک تولید ایتدیکی تأثیر لر دن هیچ برینی وجوده کتیر مز لر. ده نیلیر که بو قادر قوت صرف ایدلمشدر. دینامونک یادیغی شی ساده جه بوقوتی انسانلرک استعمالنه خاص قیلمق و محافظه ایتکدر. ایشته حقیقی اولان هر برطیبی بنیه حقنده بو مطالعه مرعیدر. بر برینه ضد اجتماعی قوتلر آراسنده کی دائمی و شدید بر جدال ایله مشروط اولقله برابر اجتماعی (سینه رژی) پرنسپی نتیجه سی اولان اجتماعی موازنت، اجتماعی بنیه لری وجوده کتیر بر واونلری محافظه ایدر؛ بو بنیه لر ایسه کندیلرینه تعیین ایدلمش اولان فونکسیونلری ایفا ایدر لر. جمعیتک ایش قابلیت درجه سی، بو بنیه لرله اونلره عائد فونکسیونلرک - بنیه لرله متناسب بولونان - موفقیته ایفا سنده کی کماله باغلیدر. عضوی عالمده مجادله، حیات ومات مجادله سی طرزنده کوزو کویور. ضعیف اولانلر گوشه یه طیقیلیر وقوی اولانلر آیاقدن قالیر لر. دائماً نقیصه لری اولانلر اورته دن غائب اولور واک فضله انطباق ایدنلر بر حیات قالیر لر. اجتماعی عالمده عینی شی جاریدر؛ ضعیف عرقلر مجادله ده مغلوب دوشر لر، قوی لر غالب اولور لر. فقط هرایکی عالمده دخی موجود اولقده دوام ایدن بنیه لر، آنجق ده ائی اولان بنیه لر در. بو صورته مجادله، فردلرک، حتی نوعلرک، عرقلرک و جمعیتلرک فوقه چیقار واک فضله انطباق ایدمیلن بنیه لر مسئله سی اولور. اونک ایچین (داروین) ک حیات مجادله سنه دائر اولان قطعی دستورینی تصحیح ایدمیلیر و بوتون پانورامایی ده فضله بنیه جدالی حالنده تلقی ایدمیلیر.

اجتماعی مقانیزمه، هیئت عمومی حالنده آنتنجه اجتماعی نظامی وجوده کتیر بر. نظام، تشکیلات اثریدر. اجتماعی سینه رژی، بوتون دیگر نوع سینه رژیلر ده اولدیغی کیبی اساس اعتباریله مشکلدر. اونک ایچیندر که اجتماعی ستاتیکه، مشکل اجتماعیات دخی تسمیه اولونابیلیر. بنیه، تشکیلات ونظام اولقسزین هیچ بر حقیقی ایش وجوده کله مز. مئادیاً ده فضله انکشاف ایدن تشکیلات، جمعیتک ایش قوتی تزید ایدر. مثال اولق اوزره عینی غایه یی تعقیب ایتدکلرینی قبول ایدمیلر حکمز براردو ایله بر خلق کومه سنی تأثیر اعتباریله مقایسه ایتک کافیدر. اجتماعی ستاتیک اجتماعی میخانیکک بر شعبه سی یا خود اجتماعیاتک اجتماعی نظامدن بحث ایدن بر شعبه سیدر. بو اعتبار ایله برعضوه مشابه اولان اجتماعی نظام اجتماعی بنیه لر دن ترکب ایدر. اجتماعی نظام

بونيهرلرک برکل حالنده برلشديکي نسبتده تامدر واو بنيهلرک تفارق وتنوع ايتدکلری وبوکا رغماً ينه تماميله هيئت عموميه شکلنده قالدقلى ياخود بربرى اوستنه ويا يان يانه موضوع برسيسته وجوده کتيردکلری نسبتده انکشاف ايتمشد. بوتقيرده اجتماعياتک بوقسمي باشليجه اجتماعي بنيهلردن اونلرک فونقسيونلرندن، مذشأوماهيتندن، بونلرک بربرى اوزرينه ويا يان يانه موضوع اولوشنه عائد مناسبتلردن وبوتون بوخادناک نهائى نتيجه سندن ، يعنى بالذات جمعيتدن بحث ايده جکدر .

شيمدى يه قدار استعمالى معتاد اولان حياتيات اصطلاحاتنه دائماً استناد ايتمکلکمز دوعرو اولماز ؛ بونکله برابر اونلری قوللانمق آرزو سندن ده واز کچيله ميور . بو اصطلاحلرک بوراده اولديغى کي قطعياً صرف ژنه نيک برمعناده استعماللرندن بکله ن غايه ، بوتون عالمرک وجوده کتيرديکي بويوک وحدتى بر آزالسون کوز اوکندن قاچيرما مقدر . مع مافيه اجتماعياتک خصوصى بر لغتچه سى اولمق لازمدرکه اوده فى الحقيقه موجوددر .

اجتماعي بنيهلره ويريله بيله جک الكعمومى واك موافق اسم « بشرى مؤسسه » لردر . بوراده (بشرى) صفتنى قوللانمق مطلقاً ضرورى دکلدر ؛ چونکه بز حيوان جمعيتلرينک (بوده ذاتاً مجازى برافاده در) مؤسسه لردن تشکل ايتديکنى وياخود بونلری حائز اولديغى صورت قطعیه ده ادعا ايدمه يز . دها باشلانغچه بنيهلرک مجبورى بر طرزده مادی شيلر اولماسى ايجاب ايتيه جکنى قيد ايتمک لازمدر . روحى بنيهلر هيچ بر زمان مادی اولماز ، اجتماعى بنيهلر ايسه هم مادی همده غير مادی اولاييلرلر . بشرى مؤسسه لر ، اجتماعى قدرتك قونترولى واستفاده لى برحاله قومسى ايچين وجود بولمش يکانه واسطه لردر . کتاتمزلک بشنجى فصلنده اجتماعى ژنه رژينک حقيقى ماهيتى و روحى حقنده تحرياته بولونورکن بوتون بشرى مؤسسه لرک اک اساسلىسى اولان ابتدائى ، متجانس ، غير متفارق اجتماعى حجره ايله مشغول اولمشدق ؛ بوتون مؤسسه لر بالاخره بو حجره دن انکشاف ايده جکلردر . بوبحث ، اجتماعيات تدقيقيله اوغراشانلردن پک چوغى طرفندن نظر دفته بيله آلنماشدر واونک ايچيندرکه هنوز خصوصى براسمى بيله حائز دکلدر . حتى بزبونى زمره نك امنيت حسى صورتنده تسميه ايتمه ک جسارت ايتمش وکوسترمشدک که بو شيمدى يه قدار تدقيق ايديلن بوتون اجتماعى مؤسسه لر آراسنده اک فضله دينله علاقه داردر . هر حالده بو حسدن دين قانون ، اخلاق ،

(ابتدائی و حقیقی معناسیله Mos وعادت اوزرینه مؤسس اخلاق) و بوتون آیین ، روحانی ، حقوقی و سیاسی مؤسسسلر بربری آردنجه انکشاف ایتمیشدر . لسان ، صنعت ، و صنایع کیی همان همان عینی درجه ده ابتدائی و اساسی اولان دها برچوق بشری مؤسسسلر وارددر . باشقه بر منشائه استناد ایدیورمش کیی کوزوکن بونلردن ماعدا دها مؤخر و مشتق مؤسسسلر وارددر که بونلرک منشأ تاریخیلرینی تعقیب ایتک ایجه کوچدر . جمعیتک بو فیلوژنه تیک تدقیقی برکون اجتماعیاتک اک شایان دقت بر قسمی اولاجقدر ؛ ناهلکه عضوی فیلوژنه ده آنجق صوک زمانلرده حیاتیاتک مهم بر شعبه سی اولاییلمشدر .

بشری مؤسسسلرک دها یقیندن تدقیقی بزده شو و واقعه یی کوستریور بو مؤسسسلرک هپسی حتی عمومی وصفلری داخلنده بیله ، تاممیله بر برینه مشابه دکلدر . بونلر ایکی ویا اوچ غروپه ویا خود صنفه آریلیرلر . بزاساساً بعضیلرینک مادی و دیگرلرینک ده غیر مادی اولدیغنی کوردک . فقط بو تصنیف دخی ، بوکا ممائل اولانلر کی اساسی بر تصنیف دکلدر . ابی تعریف ایتک ، ابی انتخاب ایدلمش بر قاچ مثال ایله آکلامقدن دها کوچدر . بو تصنیفی ، طبیعی و صناعی ، ویا خود انسیاقی و موضوع مؤسسسلر آراسنده کی فرق صورتنده کوستریمک ممکندر . مع مافیه بر صنف ، بر دیگر کی قدر طبیعی اولدیغنی کی هر ایکسی ده قسماً انسیاقی ، قسماً موضوع اولاییلیر . برچوق حاللرده بر برینه یاقین ایکی مؤسسه اولاییلیر که بونلردن بری بر صنفه ، دیگر کی ده دیگر بر صنفه منسوب اولویورلر . بو نوع حاللرده طبیعی یا خود انسیاقی اولانلر دها اسکی و ابتدائی کی کورونورلر و صناعی یا خود موضوع اولانلر ده بر معناده برنجیلرک آزماییدرلر . بالنتیجه صنفلردن برینه بدائی دیگرینه تالی دیمک ممکن اولاییلیر . معین بر نقطه نظر دن ایکنجی نوع مؤسسسلر برنجیلرک محصوللری یا خود تابعلری اولارق مطالعه ایدیله ییلیرلر .

بز دینی ، حتی زه مره نک امنیت حسی دیه تسمیه ایتدیکم اک بسیط برشکلنده بیله بر مؤسسه اولارق تدقیق ایدرسه ک کوره جکز که دینک ایچندن ، عرقک امنیتنه مساعد اولان بر حیات طرزینی تحمیل ایدن و عرقک امنیتی ایچین مضراولان هر حرکتی تجزیه ایدن برسیستم انکشاف ایتمیشدر . بوکا دخی دین دیورلر و سطحی مشاهدلر حقیقتده بونک آرقاسنده دها باشقه شیلر کی زلی اولدیغنی کورمز اوئی ابتدائی انسانلرک بوتون بر دینی اولق اوزره فرض ایدرلر . حقیقتده ایسه (سپه نسه ر) ک تعریف ایتدیکی کیی بو آیین اولدیغنی قادارده روحانی بر مؤسسسه نک ده باشلانغیجدر . بو بالا آخره انکشاف

ايدىنجه كلىسايى وجوده كتي ره جكد ر . (سپه نسه ر) ، روحانى مؤسسسه لرك معناسنى ايلك شكلارى دخی احتوا ايدم جك قدر توسيع ايتش كيې بزده كلىسا تعبيرىنى معنا اعتباريله كنيشله ته بيليرز . بوصورتله شوافاده يى اورته يه قوي مق ممكن اولور : كلىسا اوليله برتالى ويا خود مشتق مؤسسسه دركه اونی بدائى ومنشائى بر مؤسسسه اولق اوزره دين ، ضرورى برحاله قويمش وحقىقتده ياراتمشد ر .

بشرى مؤسسسه لرده كى بو ايكيلك تفصيلاتلى صورتده تدقيق ايديله بيله جك بر موضوعدر ؛ چونكه همان هر قديم مؤسسسه اير كچ كنديسندن مشتق بر مؤسسسه دوغورور . قديم مؤسسسه لر ، انسان طبيعتك اساسلى احتياجلارندن و ميللارندن متولد بلاواسطه نتيجه لدر . يعنى روحى واجتماعى نه نه رزى يه صيقى صيقى يه مربوطدر . حالبوكه تالى مؤسسسه لر ، ماهيتارى ايجابى اولارق ، دها فضله صنعى تشككلدر ؛ اوقاداركه مؤسسسه تعبيرىنى يالكرز برنجيلره تخصيص ايتك و ايكينجىلره دارمعنده اجتماعى بنيه لر ديمك زمان وفرضيه اعتباريله شاين ترجيح اولابيلير . فقط بوصورتله بونلرك هرايكيسنك ده بنيه وهرايكيسنك ده مؤسسسه اولديغنى سويلك ايسته ميورز ؛ بلكه بوتعبيرلرك استعمالى بعضاً حقيقهً موجود اولان فرقى ميدانه چيقارمغه يارادىنى ايجندركه بوتكليفى ياپيورز . بز بوندن صوكر ا ديكر بنيه لرى كندىلرينه تعلق ايدن مؤسسسه لرله تعداد ايدم بيليرز . بوصورتله مثلاً ، صنعى اجتماعى بنيه حالنده ميدانه چيقاران مؤسسسه نك « ملكيت » اولديغنى و بو جذردن دخی (ههر برت سپه نسه ر) ك استعمال ايتديكى معنده صنايعى industrielles مؤسسسه لرك ميدانه كلديكى كورورز . ايش بولومى ، كنش معناسيله ، بوتون سربست تشكيلات شكلارينه اجتماعى بنيه اولارق تمل وظيفه سنى كورهن بر مؤسسسه در .

مادرشاهلق ، انكشاف ايتش اولان دولته بر انتقال صفحه سى تشكيل ايدن بر مؤسسسه اولق اوزره تلقى اولنه بيلير ؛ بو مؤسسسه اوزرينه سميه مشتق بر بنيه اولق اوزره استناد ايدر . عىنى صورتله ، پدر شاهلق ده قبيله ايله عىن قرابتى حائزدر ؛ بالمقابله قانداشلق ، معضل زمره لرك اولديغى كى عشيرتك اساسنى تشكيل ايدر .

بشرى مؤسسسه لره دائر ، يا خود دها دوغروسى بونلرك بعضيسنه عائد اولق اوزره وجوده كتيرديكمز بوسريع وغير تام چرچيوه اجتماعى بنيه لرك طبيعى حقنده بزده برفكر ويرم بيلير . بوتون بونلر ، هرهانكى برنوع اجتماعى قوتلر آراسنده كى مجادله نك نتيجه سيدر . بوسا يه ده يالكرز كنديسى ايجين چالیشان هر بر قوتك عىن المركز وخراب وصفى ، تعديله اوغرار (neutraliser) وهرقوت ، جمعيتك تشكيل اديجى

اثرینه برشی علاوه ایتکه مجبور اولور. مختلف قوتلر ، بوبنیه لرك تشکلی سایه سنده ، موازنت حاله کتیریلیر و او وضعیتده محافظه ایدیه بیلیر ، یا خود تبدیل اولونه بیلیر ، و قدرت و قوت حاله قلب اولونه بیلیر . بر دفعه آلدیه ایدیلن بنیه لر ایش قوتلرینک محفظه سی وظیفه سی کورورلر و جمعیتک بوتون ایشلری ده آنجق بوبنیه لر سایه سنده تأسس ایدیه بیلیر . بوتون بو بنیه لر بربرلرله علاقه داردرلر . و بونلرک هر برینه عائد فونکسیونلرک تأسس ایتسی اونلری بربرله تماس حاله ، حتی مجادله حاله قویار . اجتماعی بنیه لر آراسنده کی بو نحیف مجادله بوتون دیگر مجادله لرك حائز اولدینی تأثیری یاپار و عمومی اجتماعی تشکیلاتی وجوده کتیریر . بونلردن چیقاجق نهائی نتیجه ، ایشته اجتماعی نظام و یا خود بالذات جمعیت دیدیکمز برشیئدر ؛ تشکیلاتلارنمش برکل حالنده ، یعنی اجتماعی قدرتک بر بویوک مکشفه سی حالنده - بشری مؤسسسه لر اعانه سیله - استعمال ایدلمک اوزره محافظه اولونور .

« غومپلویچ » و « راتسه نهوفر » ، جمعیت منشأنک عرقلرک مجادله سندن چیقادیغنی خیرتخیش بر صورتده اثبات ایتشلردر . اجتماعیات علمنه شیمدی به قادار یایلمش اولان خدمتلك بلا شبهه اك مهمی اولان بوحقیقتك بو استادلر طرفندن اورتیه قونان افاده سنه برشی علاوه ایدیه جکمی ظن ایتیم . جمعیتک منشأنی حقنده کی مسئله یی حل ایدیه بیلیمک ایچین نهایت ألیزه حقیقی بر آناختار کچیرمش بولونیورز . واقعا بو ، علمک هپسی دکلدر ؛ فقط اجتماعیات بناسنک اوزرینه انشا ایدلمسی لازم کلن کلک اساسیدر ؛ بونک تمامیه بیلنمسی و دوغرو اولارق تلقی ایدلمسی ، شیمدی به قادار هر طرفی اشغال ایتش بولونان عادی و قیمتسز قارغه یووالرینک هپسنی تخریب ایدیه جکدر . ذکر ایتدیکمز بو افاده شیمدی به قادار بشری جمعیتک واقعه لرینه و تظاهراتنه استناد ایدن یکانه علمی افاده در . بو هر یرده ، بوتون انسانلر اوزرینه قابل تطبیق اولان و نه تنولوژی به و آنتره پولوژی به عائد حادثه لره توافق ایدن حقیقی و طبیعی بر پره نسیدن چیقار . فضله اولارق بو پره نسپ بوتون دیگر طبیعت تظاهراتی ده ایضاح ایتکه یارایه بیله جک یکانه کلی پره نسپدر . بو موضوع حقنده علاوه ایدیه بیله جک برشی وارسه اوده شو حقیقتی اورتایه قویق و اثبات ایتمکدن عبارت اولور : عرق مجادله سی بسیط و تیپیک بر اجتماعی سینره ژیدر و سینره ژری ، اجتماعی عالمده کونی بر پره نسپ اولارق بو طرزده فعالیتده بولونور .